

奏

巡視臺灣監察御史臣禪濟布臣丁士一謹

奏為

聖德普天生番接踵歸化事案查雍正貳年肆月內
有內山傀儡生番加者惹也社則加則加單社
擺律社柯覓社等肆社歸化前差御史臣吳達
禮等尚未具

奏茲於本年捌月拾肆日據臺灣府知府高鐸報

稱鳳山縣知縣蕭震詳送新歸化生番陳阿難

益難社大文里社七脚亭社拜律社柯律社八

歹社等陸社嚮風慕義願照加者惹也社等社

歲貢鹿皮等因臣等隨會同鎮臣林亮臺廈道

臣吳昌祚暨文武員弁宣布



皇上天恩各加獎賞遣令通事伴送各番歸社訖欽
惟我

皇上

道懋敬承

德隆光被

參天兩地擴千秋未闢之封圻

一道同風撫萬古常新之宇宙

廣解推之恩以及中外咸登庶類於生成

體覆幬之義以理陰陽務俾盈寧於婦子聲教統

遐取而培育海隅藉戶口以輸誠惟昔我

聖祖仁皇帝文德超千聖以獨隆武功邁百王而大啟

闢臺灣之荒徼歸版籍於

中朝茲伏遇我

皇上治化既隆於無外歸心自極於普天摩義漸仁

常恐或後衢歌巷舞罔不爭先遂致傀儡生番

加者惹也社等拾社歸誠接踵嚮化傾心深山

窮谷之中歡呼

萬歲卉服文身之侶快沐

Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

KODAK Color Control Patches © The Tiffen Company, 2000

Blue Cyan Green Yellow Red Magenta White 3/Color Black

恩光實亘古所未聞洵

聖朝之盛事臣等不敢壅於

上聞所有歸化緣由及各社戶口冊應聽督撫臣會

疏

題報外臣等理合恭摺

奏

聞謹

奏

知道了



國立故宮博物院
NATIONAL PALACE MUSEUM

雍正貳年捌月

貳拾肆

日監察御史臣禪濟布

監察御史臣丁士一

Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

KODAK Color Control Patches © The Tiffen Company, 2000

Blue Cyan Green Yellow Red Magenta White 3/Color Black



14453



國立故宮博物院
NATIONAL PALACE MUSEUM

